

**AKTI I THEMELIT DHE STATUTI
I SHOQERISE ME PERGJEGJESI TE KUFIZUAR "URBANE CONSTRUCTION" SH.P.K**

**STATUT
PER KRIJIMIN E PERSONIT JURIDIK, SHOQERISE ME PERGJEGJESI TE KUFIZUAR:
"URBANE CONSTRUCTION" SH.P.K**

Sot, më datë 25/02/2025, ne, themeluesit,

- a) **Andi Agalliu**, atësia Kismet, shtetas shqiptar, identifikuar me anë të kartës së identitetit me numër 036026676, me numër personal identifikimi J20324092M, i datëlindjes 24.03.1992, lindur në Vlore dhe banues në Rr. Bill Clinton, Nd. 22, H. 2, Ap. 4, Selitë, 1044, Tiranë, madhor dhe me zotësi të plotë juridike për të vepruar.
- b) **Beriad Qojle**, atësia Mustafa, shtetas shqiptar, identifikuar me anë të kartës së identitetit me numër 039483417, me numër personal identifikimi J20608079G, i datëlindjes 08.06.1992, lindur në Berat dhe banues në Rr. Teodor Rupi, Nd. 22, H. 15, Ap. 15, Durrës, madhor dhe me zotësi të plotë juridike për të vepruar.
- c) **Erando Abdyli**, atësia Lulzim, shtetas shqiptar, identifikuar me anë të kartës së identitetit me numër 038175868, me numër personal identifikimi I91205009H, i datëlindjes 05.12.1989, lindur në Durrës, dhe banues në Rr. Rexhep Keci, Nd. 33, H. 2, Ap. 9, Shijak, madhor dhe me zotësi të plotë juridike për të vepruar.

kemi krijuar një shoqëri me përgjegjësi të kufizuar sipas kushteve të mëposhtëme.

Në mbështetje të dispozitave ligjore të Kodit Civil në Ligjin Nr. 9901, datë 24.01.2023, vendosëm themelimin e Shoqërisë Tregtare "URBANE CONSTRUCTION" sh.p.k., shoqëri private e së drejtës Shqiptare, krijimi, funksionimi i së cilës përcaktohet si më poshtë vijon:

**KREU I
EMRI I SHOQERISE, SELIA, KOHEZGJATJA, OBJEKTI**

**NENI 1
EMERTIMI I SHOQERISE**

- 1.1 Emri i shoqërisë me përgjegjësi të kufizuar është "**URBANE CONSTRUCTION**" sh.p.k (më poshtë e quajtur "Shoqëria"), person juridik privat i së drejtës Shqiptare, i themeluar dhe do të ushtrojë veprimtarinë në përputhje me ligjet e Republikës së Shqipërisë. Kjo shoqëri në llojin e saj është Shoqëri me Përgjegjësi të Kufizuara.
- 1.2 Veprimtaria dhe funksionimi i kësaj Shoqërie rregullohet sipas neneve të statutit të kësaj shoqërie dhe në përputhje me ligjin Nr. 8402, datë 10.09.1998, "Për kontrollin dhe disiplinimin e punimeve të ndërtimit".

**NENI 2
SELIA**

- 2.1 Selia e Shoqërisë është në adresën: *Bashkia Tirane, Rr. Bill Clinton, Nd. 22, H. 2, Ap. 4, Selitë, Nr Pasurie 106/95+1-4 – N1*, në pronësi të ortakut Andi Agalliu.
- 2.2 Asambleja e Përgjithshme mund të vendosë mbi transferimin e selisë së Shoqërisë në një adresë tjetër. Organi administrues i Shoqërisë mund të themelojë ose mbyllë degë dhe/ose zyra përfaqësimi, brenda apo jashtë Republikës së Shqipërisë.

NENI 3 VULA E SHOQERISE

- 3.1 Shoqëria ka vulën e saj, do të jetë si vijon: “URBANE CONSTRUCTION” SH.P.K.
- 3.2 Të gjitha Aktet dhe dokumentat që do të nxjerrë Shoqëria, drejtuar palëve të treta dhe publikut duhet të tregojnë qartë dhe të lexueshëm emërtimin (llojin) e Shoqërise dhe pas emrit do të jenë fjalët “Shoqëri me Përgjegjësi të Kufizuar” ose shkurtimi sh.p.k. “URBANE CONSTRUCTION” sh.p.k.

NENI 4 OBJEKTI I AKTIVITETIT

- 4.1 Shoqëria ka për objekt të saj kryerjen e të gjitha aktiviteteve që një shoqëri me përgjegjësi të kufizuar mund të ushtrojë në bazë të legjislacionit shqiptar, brenda ose jashtë territorit të Republikës së Shqipërisë, duke u fokusuar kryesisht në:
- Shërbime kolaudimi dhe supervizioni për objekte ndërtimi. Shërbime konsulence në fushën e ndërtimit, projektimit dhe arredimit. Shërbime të ndryshme projektimi dhe inxhinierike. Shërbime të ndryshme në fushën e ndërtimit, si: gërmime, suvatime, shtrim pllakash, muraturë, karpenteri, punime hekuri, betonime, hidroizolime, patinime, lyerje me bojë, instalime elektrike, instalime hidraulike, riparime dhe përforcime të strukturave prej betoni, etj. Montim të konstrikcioneve metalike. Montim të frigofereve industriale.*
- Shoqëria për përmbushjen e qëllimeve të saj mund gjithashtu: të blejë, shesë, të marrë me qera, të japë ose të marrë hua ose me qera pasuri të lujtshme dhe të paluajtshme; të nënshkruajë marrëveshje; të marrë hua, hipoteka dhe çdo gjë tjetër që konsiderohet të jetë e nevojshme nga asambleja e përgjithshme; çdo aktivitet tjetër që lidhet në mënyrë direkte apo indirekte dhe që u shërben aktiviteteve të sipërpërmendura.*
- Shoqëria gjithashtu mund të kryejë në vijim appo përkohësisht edhe çdo aktivitet tjetër, icili nuk është i ndaluar nga legjislacioni në fuqi.*
- 4.2 Për përmbushjen e objektit të saj Shoqëria:
- a) Mund të marrë pjesë dhe të jetë e interesuar në shoqëri dhe sipërmarrje, shqiptare apo të huaja, që kryejnë aktivitete të njëjta, të ngjashme apo të lidhura me aktivitetin e saj ose të subjekteve pjesëmarrëse;
 - b) Mund të lidhë kontrata shitblerje, përdorimi, shkëmbimi, sipërmarrje apo marrëveshje të tjera me investitorë, bashkë investitorë, pronarë trualli apo objektesh, operatorë dhe administrues të strukturave ndërtuese;
 - c) Mund të kryejë të gjithë veprimet e nevojshme ose të dobishme ose që kanë të bëjnë, përfshirë, por pa u kufizuar, në ofrimin e garancive reale dhe/ose personale për detyrimet e veta dhe së të tretëve, veprime me pasuri të luajtshme, të paluajtshme, tregtare dhe çdo veprim tjetër që ka të bëjë me objektin e saj ose që mundëson një përdorim më të mirë të strukturave dhe/ose burimeve nëpërmjet shoqërive ose sipërmarrjeve në të cilat, direkt apo indirekt, Shoqëria ka pjesëmarrje apo kontrollin e tyre.
- 4.3 Shoqëria mund të veprojë në Shqipëri dhe jashtë saj dhe të kryejë do aktivitet tjetër të lidhur, ndihmës me qëllim të përmbushës ose të jetë i dobishëm për përmbushjen e objektit të saj.

NENI 5 KOHEZGJATJA E SHOQERISE

- 5.1 Shoqëria do të zhvillojë Veprimtarinë e saj për një periudhë të pa kufizuar (pa afat).
- 5.2 Ajo mund të shpërndahet para afatit me vendim të Ortakëve, ose për shpërndarjen e saj e percakton vetë legjislacioni në fuqi.

KREU II
KAPITALI, KALIMI I KUOTAVE, ZMADHIMI DHE ZVOGELIMI I KAPITALIT

NENI 6
KAPITALI I SHOQERISE


- 6.1 Kapitali i Shoqërisë ndahet në një numër kuotash, në raport me kontributin dhënë nga cdo ortak në Shoqëri. Cdo Ortak zotëron një kuotë të vetme në Shoqëri. Bashkëzotëruesit e një kuote, sipas nenit 72, të këtij ligji, gëzojnë cilësinë si një ortak i vetëm.
- 6.2 Kapitali fillestar për ushtrimin e veprimtarisë së Shoqërisë është 100.000 (njqind mijë) Lekë. Pjesëmarrja e themeluesit në Kapitalin e Shoqërisë është në përputhje me kontributet e tij si më poshte:
- a) Ortaku themelues **Andi Agalliu**, zotërues i 1 (një) kuote me vlerë të përgjithshme 34,000 Lekë (tridhjetë e katër mijë lekë), që përben **34%** të kapitalit themeltar të shoqërisë.
 - b) Ortaku themelues **Beriad Qojle**, zotërues i 1 (një) kuote me vlerë të përgjithshme 33,000 Lekë (tridhjetë e tre mijë lekë), që përben **33%** të kapitalit themeltar të shoqërisë.
 - c) Ortaku themelues **Erando Abdyli**, zotërues i 1 (një) kuote me vlerë të përgjithshme 33,000 Lekë (tridhjetë e tre mijë lekë), që përben **33%** të kapitalit themeltar të shoqërisë.
- Kuotat e aksionerëve në total përbëjnë 100% të kapitalit të Shoqërisë.
- 6.3 Kapitali i Shoqërisë nënshkruhet menjëherë dhe do të paguhet nga ortakët që zoterojnë, 100 % (njqind per qind) të kontributeve në kapitalin e shoqërisë. Kapitali do të derdhet apo transferohet në llogaritë bankare të Shoqërisë nga Ortakët, në raport me përqindjet e tyre ndaj kapitalit total, jo me vonë se **90 ditë** nga themelimi i Shoqërisë dhe jo më vonë se **60 ditë** nga regjistrimi i saj në regjistrin tregtar QKB. Pagesa mund të bëhet dhe në monedhë të huaj, sipas kursit zyrtar të datës së pagesës.
- 6.4 Në rast zmadhimi apo zvogëlimi të kapitalit themeltar të Shoqërisë, ortakët do të kenë të drejtën e nënshkrimit të zmadhimit apo zvogëlimi të kapitalit në përpjesëtim të drejte me pjesëmarrjen që zotëron secili në kapitalin e Shoqërisë.

NENI 7
FITIMI DHE KALIMI I KUOTAVE

- 7.1 Kuotat e kapitalit të Shoqërisë fitohen apo kalohen nëpërmjet:
- a) Kontributit në kapitalin e Shoqërisë
 - b) Shitblerjes
 - c) Trashëgimisë
 - d) Dhurimit
 - e) Cdo mënyrë tjetër e parashikuar me ligj
- 7.2 Në rastin e kalimit të kuotave me kontratë, kontrata do të bëhet më shkrim.

NENI 8
KALIMI I KUOTAVE ME TRASHEGIMI OSE SI PASOJE E FALIMENTIMIT

- 8.1 Në rast se një ortak, apo një bashkëzotërues i një kuote humb jetën, trashëgimtarët e tij do të jenë të vetmët persona, që do t'i njihet titulli mbi kuotën nga Shoqëria por asnjë nga këto parashikime nuk çliron përgjegjësitë e trashëgimtarëve nga cdo detyrim i mbartur nga kuota e zotëruar. Në rastin e vazhdimi të Shoqërisë me disa trashëgimtare të ortakut që ka



- humbur jetën, trashëgimtaret duhet te caktojnë një përfaqësues të përbashkët.
- 8.2 Personi që fiton të drejtën mbi një kuotë si pasojë e humbjes së jetës ose falimentimit të një ortaku mund të zgjedhë të bëhet zotërues i kuotës ose të kërkojë regjistrimin e kuotës në emër të një personi tjetër të caktuar prej tij si përfitues i kuotës. Nëse personi i mësipërm zgjedh të bëhet zotërues i kuotës, ai njofton Shoqërinë në lidhje me këtë zgjedhje. Nëse personi i mësipërm zgjedh të kërkojë regjistrimin e kuotës në emër të një personi tjetër, atëherë ai duhet ta kryejë atë nëpërmjet një akti të vlefshëm të transferimit të kuotës.
- 8.3 Personi që fiton të drejtat mbi një kuotë si pasojë e humbjes së jetës ose falimentimit të një ortaku do të ketë të drejtat që gezonte zotëruesi i kuotës, duke përjashtuar të drejtën e pjesëmarrjes ose të votës në çdo mbledhje të Asamblesë së Përgjithshme, deri në momentin e regjistrimit në regjistrin tregtar si zotërues i kuotës.

NENI 9

ZMADHIMI DHE ZVOGELIMI I KAPITALIT

- 9.1 Asambleja e Përgjithshme mund të zmadhojë kapitalin e Shoqërisë, me kuorumin e percaktuar në nenin 9.12 të këtij Akti Themelimi dhe Statuti. Vendimi i Asamblesë së Përgjithshme për zmadhimin e kapitalit do t'i komunikohet me shkrim ortakeve që janë thirrur por nuk ishin të pranishëm në mbledhjen e Asamblesë së Përgjithshme që vendosi për zmadhimin e kapitalit.
- 9.2 Në rast zmadhimi të kapitalit, të gjithë ortaket do të kenë të drejtën të nënshkruajnë zmadhimin e kapitalit, në para ose me kontribute në natyrë, në perpjesetim të drejte me kuotat që zotërojnë në Shoqëri.
- 9.3 Në rast se disa ortake heqin dorë nga e drejta e nënshkrimit të pjesës së tyre, kapitali i panënshkruar mund të nënshkruhet nga ortaket e tjere. Në këtë rast, këta ortake mund të ushtrojnë serish të drejtën për nënshkrimin e kapitalit, në perpjesetim të drejte me kuotat e pjesëmarrjes në Shoqëri.
- 9.4 Asambleja e Përgjithshme mund të zvogelojë kapitalin e Shoqërisë, me kuorumin e percaktuar në nenin 9.12 të këtij Akti Themelimi dhe Statuti. Në do rast, kapitali i Shoqërisë nuk mund të zvogelohet nën kufirin e percaktuar me ligj. Ortaket e perballojnë zvogelimin e kapitalit të Shoqërisë, në perpjesetim të drejte me pjesëmarrjen e tyre në kapitalin e Shoqërisë.

KREU III
ASAMBLEJA E PERGJITHSHME

NENI 10
ASAMBLEJA E PERGJITHSHME

- 10.1 Asambleja e Përgjithshme është organi vendimmarrës i Shoqërisë. Asambleja e Përgjithshme vendos mbi të gjitha çështjet për të cilat është kompetente sipas ligjeve në fuqi në Republikën e Shqipërisë, sipas këtij Akt Themelimi dhe Statuti dhe/ose çdo marrëveshje midis ortakëve të Shoqërisë.
- 10.2 Cdo ortak ka të drejtë të marrë pjesë në mbledhjet e Asamblesë së Përgjithshme, të shprehë vullnetin e tij si dhe të votojë në përputhje me pjesët e kapitalit që ai zotëron në Shoqëri.
- 10.3 Cdo ortak mund të përfaqësohet nga një ortak tjetër ose nga një përfaqesues i deleguar me prokurë me shkrim.
- 10.4 Ortaku nuk mund të delegojë të drejtën e votës për një pjesë të kuotave të tij të kapitalit, nëse ai voton personalisht për pjesën e mbetur.
- 10.5 Mbledhja e Asamblesë së Përgjithshme mund të mbahet brenda ose jashtë territorit të Republikës së Shqipërisë. Ortakët ose përfaqesuesit e autorizuar mund të marrin pjesë në mbledhjen e Asamblesë së Përgjithshme nepermjet mjeteve elektronike, përfshirë telekonferencën (conference call) audio ose video, në përputhje me legjislacionin për shoqëritë tregtare dhe komunikimet elektronike. Mbledhja e Asamblese së Përgjithshme do të quhet e mbajtur në vendin ku ndodhet Kryetari i saj dhe Sekretari i mbledhjes, me qëllim që të hartohet dhe të nënshkruhet procesverballi perkates.
- 10.6 Asambleja e Përgjithshme mund të thirret nga Administratori/et ose nga ortakët që përfaqesojnë të paktën 5% të kapitalit të Shoqërisë. Thirrja e mbledhjes së Asamblese së Përgjithshme duhet të bëhet nepermjet njoftimit me shkrim ose me mjete elektronike, dërguar secilit prej ortakëve në adresat e njoftuara të Shoqërisë, të paktën 15 (pesëmbëdhjetë) ditë përpara datës së caktuar për mbledhjen e saj. Njoftimi duhet të përmbajë rendin e ditës, vendin, datën dhe orën e mbledhjes.
- 10.7 Asambleja e Përgjithshme do të mbledhet rregullisht, pavarësisht nga keto formalitete, në rast se të gjithë ortakët apo përfaqesuesit e tyre janë të pranishëm dhe bien dakord për rendin e ditës.
- 10.8 Mbledhjet e Asamblesë së Përgjithshme kryesohen nga Administratori/ët. Asambleja e Përgjithshme cakton një sekretar për do mbledhje midis personave të pranishëm.
- 10.9 Vendimet e Asamblese së Përgjithshme duhet të jenë me shkrim dhe të firmosen nga kryetari dhe sekretari. Me kërkesë të ortakëve, vendimet duhet të përshijne dhe deklaratat apo vërejtjet e tyre.
- 10.10 Asambleja e Përgjithshme mbledhet të paktën një herë në vit, brenda 6 (gjashtë) muajve nga mbyllja e vitit financiar.
- 10.11 Asambleja e Përgjithshme, në rastin e vendimeve që kërkojnë shumicën e zakonshme, merr vendime të vlefshme vetëm nëse marrin pjesë ortakët me të drejtë vote ose përfaqesuesit e tyre, që zotërojnë me shumë se 30% (tridhjetë për qind) të kapitalit të Shoqërisë, përveç rasteve të parashikuara më poshtë në nenin 9.12. Në rast se ky kuorum nuk arrihet, Asambleja e Përgjithshme thirret në një mbledhje të dytë brenda 30 (tridhjetë) ditëve nga mbledhja e parë.
- 10.12 Asambleja e Përgjithshme vendos me votat pro të $\frac{3}{4}$ të ortakëve pjesëmarrës apo të përfaqësuar që zotërojnë me shumë se 50% të kapitalit të Shoqërisë për ndryshimin e këtij Akt Themelimi dhe Statuti, zmadhimin ose zvogëlimin e kapitalit të Shoqërisë, shpërndarjen e fitimeve, riorganizimin dhe prishjen e Shoqërisë.

KREU IV
ADMINISTRIMI I SHOQERISE

NENI 11
ADMINISTRIMI I SHOQERISE

- 11.1 Shoqëria administrohet nga një apo më shumë Administratorë të cilët zgjidhen nga Asambleja e Përgjithshme për një periudhë prej; 5 (pesë) vjetësh . Administratori mund të rizgjidhet dhe shkarkohet në cdo kohë nga Asambleja e Përgjithshme.
- 11.2 Administratori zotëron kompetenca të plota në lidhje me administrimin e Shoqerisë dhe mund të kryejë të gjitha aktet që konsideron të nevojshme për realizimin e objektit të Shoqerisë, përveç; atyre që ligji apo ky Akt Themelimi dhe Statut ia rezervon Asamblese së Përgjithshme apo organeve të tjera të Shoqerisë.
- 11.3 Administratori vepron në përputhje me politikën tregtare të vendosura nga Asambleja e Përgjithshme. Administratori është përgjegjës për veprimet e kryera në administrimin e Shoqerisë. Administratori mund të delegojë persona të tretë për kryerjen e veprimeve dhe akteve që kanë të bëjnë me administrimin e Shoqerisë, duke mbajtur përgjegjësi për të gjitha veprimet e kryera nga të tretët e deleguar për administrimin e Shoqerisë.
- 11.4 Administratori do të veprojë në cdo kohë vetëm në interesin më të mirë të Shoqerisë. Në rast konflikti të interesit, Administratori do të njoftojë menjëherë ortakët si dhe do të heqë dorë nga cdo veprim që lidhet me objektin e konfliktit të interesit deri në marrjen e udhëzimeve nga Asambleja e Përgjithshme.
- 11.5 **Administratori i parë i Shoqërisë, me një afat emërimi 5 vjeçar, do të jetë:**
Z. Beriad Qojle, lindur në Berat, i datëlindjes 08/06/1992, mbajtës i letërnjoftimit me numër Personal: J20608079G, madhor e me zotësi të plotë juridike për të vepruar.

NENI 12
SHPERBLIMI I ADMINISTRATORIT

- 12.1 Asambleja e Përgjithshme përcakton shperblimin e Administratorit të Shoqërisë.

NENI 13
PERFUNDIMI I DETYRES SE ADMINISTRATORIT

- 13.1 Detyra e Administratorit përfundon në rast se:
- a) i përfundon mandati;
 - b) shkarkohet nga Asambleja e Përgjithshme;
 - c) jep dorëheqjen nga detyra duke njoftuar Shoqerine;
 - d) personi nuk gëzon cilesine e Administratorit sipas parashikimeve të ligjit;
 - e) mungon pa arsye në detyrë për më shumë se 6 (gjashtë) muaj radhazi dhe Asambleja e Përgjithshme vendos ta shkarkojë nga detyra.



KREU V
KONTROLI FINANCIAR I SHOQERISE, VITI FINANCIAR, BILANCI VJETOR, DIVIDENDI

NENI 14
KONTROLI FINANCIAR

- 14.1 Kontrolli financiar i Shoqërise kryhet në përputhje dhe sipas legjislacionit shqiptar në fuqi. Asambleja e Përgjithshme do të emërojë një apo më shumë Ekspertë Kontabël të Autorizuar, në ato raste kur emërimi i tyre konsiderohet i nevojshëm ose kërkohet në bazë të ligjit.

NENI 15
VITI FINANCIAR

- 15.1 Viti Financiar i Shoqërise fillon më 1 Janar dhe mbaron me 31 Dhjetor të cdo viti.

NENI 16
BILANCI VJETOR

- 16.1 Bilanci vjetor, pasqyrat financiare, inventari, raportet e Administratorit dhe të Ekspertit Kontabël të Autorizuar (nese janë emëruar) miratohen nga Asambleja e Përgjithshme. Administratori i paraqet për miratim Asamblese së Përgjithshme raportin mbi administrimin e Shoqërise si edhe llogaritë vjetore.
- 16.2 Dokumentet që kanë të bëjnë me vitin financiar miratohen nga Asambleja e Përgjithshme brenda 6 (gjashtë) muajve nga mbyllja e vitit financiar.

NENI 17
DIVIDENDI

- 17.1 Pasi të jenë përmbushur kërkesat e përcaktuara nga Ligji për Tregtarët dhe Shoqëritë Tregtare, Shoqëria, me shumicë të kualifikuar të votave së Asamblese së Përgjithshme, mund të vendosë shpërndarjen e dividendëve në përputhje me të drejtat përkatëse të ortakeve.
- 17.2 Me përjashtim të rasteve kur parashikohet ndryshe nga të drejtat që i bashkëngjiten kuotave, të gjithë dividendet duhet të deklarohen dhe paguhën sipas shumave të paguara në kuotat në të cilat paguhet dividendi. Të gjitha dividendet do të shpërndahen dhe paguhën në mënyrë proporcionale me shumën e paguara mbi kuotat gjatë do pjesë ose pjesëve të periudhës në të cilën paguhet dividendi.



KREU VI
PRISHJA DHE LIKUIDIMI, LIGJI I ZBATUESHEM, ZGJIDHJA E MOSMARREVESHJEVE

NENI 18
PRISHJA DHE LIKUIDIMI I SHOQERISE

18.1 Ne rastin e prishjes dhe likuidimit te Shoqerise do te zbatohen dispozitat e parashikuara ne ligjin per Tregtaret dhe Shoqerite Tregtare.

NENI 19
LIGJI I ZBATUESHEM

19.1 Shoqeria do te zhvilloje aktivitetin e saj ne perputhje te plate me kete Akt Themelimi e Statut dhe ligjin shqiptar. Per sa nuk eshte parashikuar ne kete akt, do te zbatohen dispozitat e legjislacionit shqiptar ne fushen e shoqerive tregtare.

NENI 20
ZGJIDHJA E MOSMARREVESHJEVE

20.1 Mos marrëveshjet që mund të lindin ndërmjet Shoqerise dhe ortakëve, apo ndërmjet ortakëve dhe trashëgimtareve te ortakëve ose ortakëve te tjere dhe/ ose Shoqerise, qe kane per objekt te drejta te lidhura me Shoqerine, do te zgjidhen miqesisht ndërmjet paleve te interesuara. Ne rast se palet nuk arrijne nje zgjidhje miqesore, Gjykata e Rrethit Gjyqesor Tiranë do te jete kompetente per zgjidhjen e mosmarreveshjeve.

Ky Akt Themelimi dhe Statut hartohet dhe nenshkruhet ne 3 (tre) kopje ne gjuhen shqipe:

O R T A K Ë T
E SHOQËRISE ME PËRGJEGJËSI TË KUFIZUAR
“URBANO CONSTRUCTION” shpk


Andi Agalliu

Andi Agalliu 
(Emër, Mbiemër, Nënshkrimi)

Beriad Qojle

Beriad Qojle 
(Emër, Mbiemër, Nënshkrimi)

Erando Abdyli

Erando Abdyli 
(Emër, Mbiemër, Nënshkrimi)